



Aplikasyon pou Estajye nan Espesyalite nan Zong

Pou yon pwosesis ki pi vit ak pi fasil, Divizyon Sèvis Livrezon Lisans (Division of Licensing Services) ankouraje moun k ap aplike yo pou yo aplike sou entènèt. Si ou itilize sèvis yo sou entènèt sa ap ba ou yon dèlè repons pi rapid sou aplikasyon ou ak dènye enfòmasyon yo, epitou sa ap pèmèt ou wè ak jwenn dosye lisans ou pandan tout pwosesis pou jwenn lisans lan. (Sèvis sou entènèt yo ap disponib pou anrejistremen nan yon tan ki pa lwen.)

Ale sou sitwèb nou nan: www.dos.ny.gov

Tanpri gade seksyon enstriksyon sa yo sou entènèt pou jwenn plis enfòmasyon.

Li enstriksyon yo avèk anpil atansyon anvan ou ranpli aplikasyon an. Ou dwe ranpli tout espas yo. N ap retounen aplikasyon ki pa fin ranpli yo, epitou sa ap mete reta nan livrezon lisans ou. Si ou manke mete yon enfòmasyon, si ou mete enfòmasyon ki pa gen presizyon oswa si ou pa bay tout enfòmasyon yo nan yon aplikasyon oswa si ou pa bay tout dokiman sipò, nou ka gen rezon ki ase pou ba ou refi pou yon lisans, oswa, si nou ba ou yon lisans, nou kapab sispans li oswa anile li.

Kisa ki gen nan pratik Espesyalite nan Zong?

Pratik Espesyalite nan Zong vle di bay sèvis pou yon frè oswa pou nenpòt lòt konsiderasyon pou koupe, modle oswa amelyore aparans zong men oswa zong pye. Espesyalite nan Zong gen ladan aplikasyon ak eliminasyon zong eskilpte oswa zong atifisyèl.

Kimoun ki dwe aplike pou yon anrejistremen Espesyalite nan Zong?

Yon moun k ap pouswiv yon kou etid avèk bon volonte li nan pratik espesyalite nan zong anba titèl, sipèvizyon ak direksyon yon Espesyalis nan Zong ki gen lisans nan yon Biznis Amelyorasyon Aparans ki gen lisans dwe jwenn yon sètifika anrejistremen nan Depatman-Deta Eta New York.

Ki frè pou mwen peye pou anrejistremen an epitou konbyen tan l ap dire?

Yon frè pou aplikasyon an pa obligatwa. Sètifika anrejistremen ou ap valab pou yon ane epi li renouvlab pou yon dezyèm ane.

Èske sètifika anrejistremen an ap pèmèt mwen opere yon Biznis Amelyorasyon Aparans?

Non. Yon sètifika anrejistremen menm jan yon Estajye nan Espesyalite nan Zong pa ba ou dwa pou fè yon Biznis Amelyorasyon Aparans oswa yon lisans pou vin Lokatè yon Zòn.

Ki kalifikasyon mwen bezwen pou mwen mete lisans Espesyalite nan Zong mwen ajou?

Yon Estajye nan Espesyalite nan Zong ka jwenn yon lisans pou pratike espesyalite nan zong si estajye sa a te angaje san pran souf nan yon estaj pou yon peryòd yon ane, si li te patisipe nan yon kou etid pandan 26 èdtan, epitou si li te pase yon egzamen alekri ak yon egzamen pratik. Li ka resevwa kou etid sa a sou fòm elektwonik.

Kisa pou mwen fè si Espesyalis nan Zong k ap Sipèvize mwen an chanje?

Ou dwe fè Divizyon Sèvis Livrezon Lisans konnen chanjman sa a. Sa ap asire sètifika anrejistremen ou rete ajou avèk depatman sa a.

Pou kisa mwen dwe bay yon adrès imèl nan aplikasyon sou papye a?

N ap itilize adrès imèl ou pou kreye kont Sant Livrezon Lisans Eta New York ou. N ap voye pifò kominikasyon yo ba ou nan imèl. Si ou chanje adrès imèl ou pidevan, w ap bezwen konekte nan kont ou pou chanje li avèk nouvo adrès imèl yo.

Ki kote mwen kapab jwenn lòt enfòmasyon konsènan kondisyon ki afekte Salon Maniki ak travayè yo?

Tanpri ale sou sitwèb nou nan www.dos.ny.gov pou jwenn lòt enfòmasyon ki gen pou wè ak egzajans ekipman travayè ak Deklarasyon Dwa Pratisyen Maniki.

Èske mwen bezwen yon egzamen fizik pou mwen anrejistre?

Wi. Yon doktè, yon asistan doktè oswa yon enfimyè pratisyen dwe egzamine ou pou aplike pou yon anrejistremen Estajye nan Espesyalite nan Zong. **Doktè ou oswa asistan doktè ou oswa enfimyè pratisyen ou** dwe ranpli ak date seksyon Sètifika Sante ki nan aplikasyon an oswa Fòm Sètifika Sante (DOS-1948) si ou aplike sou entènèt. Ou dwe soumèt aplikasyon ou nan 30 jou apre yo sètifika a gen siyati ak dat ladan.

Rapò konsènan Sipò Timoun

Yon Rapò konsènan Sipò Timoun obligatwa nan Eta New York (Lwa sou Obligasyon Jeneral) kit ou gen pitit kit ou pa genyen, oswa kit ou gen nenpòt obligasyon pou peye sipò kit ou pa genyen. **Si yon moun dwe kat (4) mwa oswa plis mwa nan aryere peman nan sipò timoun, nou ka sispans lisans biznis, lisans pwofesyonèl ak lisans chofè moun sa a.** Si ou fè espere pou bay yon fo deklarasyon alekri pou twonpe oswa dekouraje egzeksyon legal obligasyon pou peye sipò, ou ka tonbe anba pinisyon dapre §175.35 Lwa Penal. Si ou bay yon fo dokiman pou mete nan dosye ou nan yon ajans gouvènman leta oswa lokal avèk entansyon pou fè fwod, ou fè yon krim klas E.

Enfòmasyon sou Sèvis sou Entènèt:

Pou yon pwosesis ki pi vit ak pi fasil, Divizyon Sèvis Livrezon Lisans ankouraje moun k ap aplike yo pou yo aplike sou entènèt. Si ou itilize sèvis yo sou entènèt sa ap ba ou yon dèlè repons pi rapid sou aplikasyon ou ak dènye enfòmasyon yo, epitou sa ap pèmèt ou wè dosye lisans ou ak gen aksè ladan pandan tout pwosesis lisans lan.

Pou jwenn plis enstriksyon okonplè ak lòt enfòmasyon sou entènèt gade FAQ (Kesyon Moun Poze Souvan) sou sitwèb <http://www.dos.ny.gov/licensing/lc-faq.html>

Aplikasyon pou Estajye nan Espesyalite nan Zong

Ki tranzaksyon ak enfòmasyon ki disponib sou entènèt?

- Ranpli yon premye aplikasyon
- Verifye kondisyon yon aplikasyon
- Renouvle lisans ou
- Pran randevou pou fè yon egzamen epi wè rezilta yo
- Techeke kondisyon yon lisans
- Fè chanjman nan enfòmasyon sou lisans
- Mande diplikata yon lisans

Kijan pou mwen anrejistre pou yon kont nan Sant Livrezon Lisans Eta New York (NYS License Center, NYSLC)?

Pou anrejistre pou yon kont nan Sant Livrezon Lisans Eta New York (NYS License Center, NYSLC), ou dwe anrejistre avèk My NY.gov. Si ou pa anrejistre nan moman an avèk NY.gov, ale sou sitwèb anrejistreman My NY.gov nan <https://aca.licensecenter.ny.gov/aca/> epi klike sou lyen 'I need a NY.gov ID', epi swiv anrejistreman an pou My NY.gov. Lè ou anrejistre avèk My NY.gov, chwazi Sant Livrezon Lisans Eta New York nan chwa ki disponib pou ou yo sou My NY.gov. Nan Sant Livrezon Lisans Eta New York, klike sou lyen 'Account Management' ki nan kwen anlè adwat la. Ranpli espas ki obligatwa yo epi done sa a yo ap parèt sou tout nouvo aplikasyon ou kreye avèk kont ou. Lè ou fini ak sovgade done sa yo, klike sou onglè 'Home' pou kontinye.

Kisa pou mwen fè si mwen gen yon Kont My NY.gov deja?

Si ou anrejistre deja avèk My NY.gov, ale nan My NY.gov epi konekte ladan, answit fè chwa Sant Livrezon Lisans Eta New York pami chwa ki disponib pou ou yo nan My NY.gov. Sa ap kreye Kont NYS License Center ou. Nan Sant Livrezon Lisans Eta New York, klike sou lyen 'Account Management' ki nan kwen anlè adwat. Ranpli espas ki obligatwa yo epi done sa a yo ap parèt sou tout nouvo aplikasyon ou kreye avèk kont ou. Lè ou fini ak sovgade done sa yo, klike sou onglè 'Home' pou kontinye.

Kijan pou mwen aplike pou yon lisans nan Sant Livrezon Lisans Eta New York?

Pou aplike pou yon lisans nan Sant Livrezon Lisans Eta New York, ou dwe kreye yon kont oswa ou dwe konekte nan yon kont ou genyen deja. Swiv etap sa yo pou aplike pou lisans ou sou entènèt:

- Enskri pou yon Kont oswa Konekte nan kont ou (gade seksyon "Kijan pou mwen enskri pou yon kont nan Sant Lisans Eta New York (NYSLC)" ki endike anwo a)
- Lè ou konekte nan Sant Livrezon Lisans Eta New York, nan onglè 'Home', chwazi 'Apply now for a new license or permit'
- Swiv enstriksyon yo ba ou sou entènèt pou aplikasyon an
- Chaje nenpòt dokiman sipò
- Fè peman an epi enprime paj konfimasyon a

W ap kapab konekte nan kont ou epitou w ap kapab wè kondisyon aplikasyon ou.

Kijan pou mwen kreye yon lisans siplemantè sou entènèt?

Pou aplike pou yon lisans siplemantè, konekte nan konte ou epi klike sou onglè 'Manage My Licenses', epi answit chwazi lyen 'Apply now! For a New License or Permit'. Li epi aksepte modalite ak kondisyon yo, epitou sistèm nan ap gide ou ladan.

Kijan pou mwen renouvle yon lisans sou entènèt?

Si ou gen yon kont Sant Livrezon Lisans Eta New York deja, twa (3) mwa anvan lisans ou dwe ekspire w ap resevwa yon avi pou renouvle lisans ou nan imèl. Imèl la ap gen ladan yon lyen pou mennen ou nan kont ou. Klike sou lyen an epi ranpli aplikasyon pou renouvèlman an.

Si ou pa gen yon kont Sant Livrezon Lisans Eta New York deja, w ap resevwa yon avi pou renouvle lisans ou nan imèl twa (3) mwa anvan lisans ou dwe ekspire. Avi sa a ap gen ladan enstriksyon pou kreye yon kont sou Sant Livrezon Lisans Eta New York.

Kisa ID Itilizatè mwen pou sistèm sou entènèt la?

Lè ou kreye kont ou sou My NY.Gov, w ap kreye yon ID itilizatè inik epitou w ap itilize adrès imèl ou. Answit, w ap kapab gen aksè nan kont ou avèk ID itilizatè a.

Kijan pou mwen fè chanjman nan enfòmasyon mwen yo sou entènèt?

Gen de (2) kote ou gen obligasyon pou fè chanjman nan enfòmasyon sou kont sou entènèt. Ou bezwen fè chanjman nan enfòmasyon yon nan My NY.gov ak nan kont Sant Livrezon Lisans Eta New York ou.

Nan My NY.gov, gade FAQ yo (Kesyon Moun Poze Souvan) pou jwenn enfòmasyon sou fason pou jere kont ou.

Konekte nan kont Sant Livrezon Lisans Eta New York ou, nan ranje anlè a w ap wè yon lyen ki gen tit 'Manage My Licenses'. Pandan ou ladan, w ap kapab fè chanjman nan enfòmasyon sou kont ou depi ou fè yon modifikasyon pou chanje enfòmasyon kontak ou.

Mwen aplike sou entènèt, kijan pou mwen fè depatman an konnen mwen fè egzamen fizik la?

Yon doktè, yon asistan doktè oswa yon enfimyè pratisyen dwe egzamine tout moun ki vle aplike pou yon anrejistreman Estajye nan Espesyalite nan Zong. Ou dwe soumèt aplikasyon an nan 30 jou apre yon doktè, yon asistan doktè oswa yon enfimyè pratisyen egzamine ou, epitou ou dwe mete non ou ak enfòmasyon pou nou kontakte ou sou aplikasyon an. Ou dwe ranpli Fòm Sètifika Sante (DOS-1948). Ou kapab telechaje li sou sitwèb Depatman-Deta.

Sou aplikasyon ou sou entènèt avèk Sant Livrezon Lisans Eta New York, ou dwe itilize enfòmasyon ki endike sou fòm Sètifika Sante a. Ou gen obligasyon pou antre enfòmasyon ki nan fòm sa a nan espas sètifika sante a ki nan sistèm nan.

Tanpri sonje: Yon anketè ka fè odit sou Fòm Sètifika Sante ou ranpli a pou asire ou konfòme ou avèk egzijans sa a. Yo dwe konsève prèv fòm sa a nan lokal travay ou pou yo fè odit.

Aplikasyon pou Estajye nan Espesyalite nan Zong

AVI SOU KONFIDANSYALITE ENFOMASYON PRIVE

Èske mwen dwe bay nimewo Sekirite Sosyal mwen ak nimewo ID Federal mwen sou aplikasyon an?

Wi, si ou gen yon nimewo sekirite sosyal oswa yon nimewo ID federal, ou gen obligasyon pou bay nimewo sa a. Si ou pa gen yon nimewo sekirite sosyal oswa yon nimewo ID federal, tanpri bay yon eksplikasyon alekri.

Depatman-Deta gen obligasyon pou pran nimewo federal Sekirite Sosyal ak nimewo federal Idantifikasyon Patwon tout moun ki gen lisans yo. Nou jwenn otorizasyon pou mande epi konsève enfòmasyon pèsònèl sa yo nan §5 Lwa Fiskal ak §3-503 Lwa sou Obligasyon Jeneral (General Obligations Law). Ou gen obligasyon pou bay enfòmasyon yo. Nou pran enfòmasyon yo pou pèmèt Depatman Taksasyon ak Finans (Department of Taxation and Finance) idantifye moun, biznis ak lòt moun ki anreta nan deklarasyon taks sou revni yo oswa ki te ka pa estime obligasyon fiskal yo ase epi anjeneral pou idantifye moun taks afekte ki anba kontwòl Manm Komisyon Taksasyon ak Finans. N ap itilize enfòmasyon yo pou administrasyon taks ak pou nenpòt lòt objektif ki otorize anba Lwa Fiskal (Tax Law), epitou ajans egzekisyon sipò timoun oswa reprezantan otorize eta sa a oswa lòt eta ka itilize enfòmasyon yo dapre Tit IV-D Lwa sou Sekirite Sosyal (Social Security Act), pou detèmine, modifye oswa egzekite yon lòd sipò, men enfòmasyon yo p ap disponib pou piblik la. Direktè Administrasyon ak Jesyon ap konsève enfòmasyon sa yo nan Sistèm Enfòmasyon Livrezon Lisans nan adrès One Commerce Plaza, 99 Washington Avenue, Albany, NY 12231-0001.

ÈSKE OU TA RENMEN ENSKRI POU W KA VOTE?

Tanpri ale sou sitwèb Komite Eleksyon Eta New York (NY State Board of Elections) la nan www.elections.ny.gov/votingregister.html

Oswa rele **1-800-FOR-VOTE** pou mande yon fòm Enskripsyon pou Vote nan Eta New York (NYS Voter Registration form).

Pou enskri sou entènèt la, tanpri ale sou www.ny.gov/services/register-vote.



Division of Licensing Services

New York State
Department of State
Division of Licensing Services
Appearance Enhancement
P.O. BOX 22049
Albany, NY 12201-2049
Sèvis Kliyantèl: (518) 474-4429
www.dos.ny.gov

Aplikasyon pou Estajyè nan Espesyalite nan Zong

Ou dwe reponn chak kesyon epitou ou dwe EKRI repons yo an LÈT DETACHE avèk plim. Li enstriksyon yo anvan ou ranpli aplikasyon sa a.

Enfòmasyon sou Moun ki Aplike a

Prenon	Non Fanmi	Dezyèm Prenon	Tit	
Adrès Kay (bay nimewo ri ak non ri a)			Suite, Apt., Inite	
Vil	Eta	Kòd Postal + 4 chif	Konte	Peyi
Adrès Postal (bay Bwat Postal la a)				
Vil	Eta	Kòd Postal + 4 chif	Konte	Peyi
Adrès Imèl	Nimewo Sekirite Sosyal (si yo bay li)		ID Federal Kontribiyab (si yo bay li)	
Dat Li Fèt	Telefòn Kay	Telefòn Selilè	Telefòn Biznis	

Enfòmasyon Debaz

WI oswa NON

Èske ou te janm resevwa yon anrejistreman Eta New York pou Estajyè nan Espesyalite nan Zong?

→ SI OU REPONN "WI," bay Nimewo UID anrejistreman an ak dat ekspirasyon li:

Nimewo ID Inik anrejistreman pou Estajyè nan Espesyalite nan Zong UID # _____ Dat Ekspirasyon _____

Yon Estajyè nan Espesyalite nan Zong travay anba sipèvizyon yon Espesyalis Zong ki gen lisans epi Estajyè a ap travay avèk yon Biznis Amelyorasyon Aparans.

Ou dwe bay enfòmasyon ki anba la yo:

Non Espesyalis Zong k ap fè Sipèvizyon an	Nimewo ID Inik lisans Espesyalis Zong k ap Fè Sipèvizyon an*
Non Biznis Amelyorasyon Aparans lan	Nimewo ID Inik lisans Biznis Amelyorasyon Aparans lan*

* W ap jwenn Nimewo ID Inik Lisans lan nan kwen anlè agoch sètifika lisans lan

Aplikasyon pou Estajyè nan Espesyalite nan Zong

Sètifika Sante — Ou dwe soumèt aplikasyon sa a nan 30 jou apre egzamen fizik ou.

Mwen se yon doktè ki gen lisans kòm sadwa, yon asistan doktè oswa enfimyè pratisyen epi nan pwosesis yon egzamen woutin moun ki gen non li site nan aplikasyon sa a nan dat _____ (Dat Egzamen Fizik la), mwen pa t jwenn prèv klinik pou prezans enfeksyon oswa maladi kontajye ki ta reprezante yon risk enpòtan oswa yon menas dirèk pou sante oswa sekirite manm piblik la nan pratik metye moun ki aplike a.

Non Doktè a an Lèt Detache _____

Adrès Pratik _____

Siyati Doktè a _____ Dat la _____

Rapò konsènan Sipò Timoun —

Depi mwen siyen aplikasyon sa a, mwen konfime apati dat ki nan aplikasyon sa a, mwen pa anba yon obligasyon pou peye sipò timoun OSWA si mwen anba yon obligasyon pou peye sipò timoun, mwen pa anreta pou kat (4) mwa oswa plis mwa nan aryere peman sipò timoun nan, oswa m ap fè peman avèk egzekisyon sou revni oswa dapre plan peman oswa plan re-peman tribinal egzije oswa dapre plan toulède moun ki konsène yo dakò oswa obligasyon mwen pou peye sipò timoun ka depannde yon pwosedi tribinal ki annatant, oswa m ap resevwa èd piblik oswa revni sekirite siplemantè.

Konfimasyon Moun ki Aplike a — Mwen konfime, anba menas sanksyon pou fo temwayaj, deklarasyon mwen fè yo nan aplikasyon sa a se deklarasyon ki vrè ak kòrèk. Answit, mwen konfime mwen li epi mwen konprann dispozisyon Tit 27 Lwa Jeneral sou Biznis ak règleman yo pibliye annapre.

Siyati Moun ki Aplike a

X _____ Dat la _____

Li enpòtan pou fè divizyon an konnen nenpòt chanjman nan adrès kay ou ak nan adrès imèl ou pou ou kapab resevwa avi pou renouvèlman yo ak nenpòt lòt notifikasyon ki gen pou wè ak lisans ou.